



## **Universitätsbibliothek Paderborn**

**Occupatio animae Jesu Christo crvcifixo devotee.**

**Leroy, François**

**Pragae, 1666**

§.1. Amantem animam Christi crucifixi sponsam esse.

[urn:nbn:de:hbz:466:1-47123](#)

*Exp. prop. ut quoniam, quod ait S. Augustinus, veteris hominis crucifixio significata est in cruce Domini: dum amorem nostrum proprium cum Christo crucifigendum intelligimus; ad crucis exemplar respicientes, omne quod in nobis Divina Legi atque amori repugnat, aversari, odiisse, atque opprimere condiscamus. Quia videlicet (quæ summa est præsentis doctrinæ, à S. Bonaventura duobus verbis expressa) nullus potest perfectè invenire DEUM, qui se perfectè non odit. De quo plura dicentur parte sequenti, ubi de integra sui ipsius abnegatione.*

*Veruntamen placet rem istam verbis S. Hieronymi eundem sensum bellissimè conspirantis, obsignare. Ita enim loquitur scribens in epistolam ad Galatas: Si quia mortificatis membris, super terram & mundo mortuus, configuntur sicut morti JESU Christi, crucifigitur cum JESU, & trophæum mortificationis sue in ligno Dominice passionis affigit. Ubi etià denique exclamat S. Bernardus: Utinam ego inveniar in tali spolijs, quibus spoliata sunt contrarie potestate, inductus & ipse in possessionem Domini! Optans videlicet nulla ex partibus esse, neque proprium quicquam in suis affectibus redire; sed quantus quantus est inter spolia crucis numerus; neque jam de se, sive de homine suo veteri, velut ex hostiis capras manubias, ad crucis truncum affigi, sed unâ cum Christo semet ipsum crucifigendo, totus in trophæum dñi gloriae formari.*

## CAPUT XII.

*Amantis Anima cum Christo crucifixo  
desponsatio.*

§. I.

*Agantem animam Christi Crucifixi Sponsam effici.*  
Speci-

**S**peciale est hoc amoris exercitium, quo sensim consuevit anima Christum crucifixum, ut sponsum, ardenter amare, (quod exinde consequi solet) & se per omnia conformare, ejusdem gloriari insignibus, eadem mensa, eodem strato gaudere.

Christum esse sponsum animæ sanctæ, in comperto est; eoque nomine se ipsum libenter designat in scripturis sanctis, sive apud S. Matthæum in decem Virginum parabola, sive *Matth. 25.* in Cantico Canticorum & Apocalypsi. Idemque jam olim *Apoc. 21.* appromiserat per Prophetam: *Sponsabo te mihi in sempiternum: & sponsabo te mihi in iustitia & judicio, & in misericordia & miserationibus.*

Verum iste sponsus (si nescis) in hac quidem vita mortali, sponsus sanguinum & vir dolorum est: cuius dona *Isa. 53.* sponsalicia, afflictiones & dolores sunt; vestis nuptialis, sanguinis sui purpura; annuli loco, clavi, stillis cruxis veluti gemmis insigniti; dapes, acetum, fel, opprobria; genitalis loculus, crux; pulvillus capitis, spinea corona. Ita tibi habitu desponsandus, his conditionibus admittendus est, si sponsa Christi titulum & honores affectas.

Id adeò olim in B. Landrada, è regio apud Belgas sanguine, luculento arguento monstratum est; cui utique jam, abdicatis mundi illecebris, uni Christo adhaerere cipienti, missum est crucis signum è cœlo, tanquam *donum Vit. c. 8. § 9.* sponsalium, ut nominatim exprimitur in ejus vita: quod intelligeret, ad divinas nuptias aspiranti, non nisi in cruce sponsum querendum; ipsūmq; nuptialem contractum, non nisi sanguine scribi, & cruce signari oportere. Neque enim, *I. 2. Pedag.* ut ait Clemens Alexandrinus, *citra sanguinem licet ad Verbum accedere.*

Atque (ut alteri cuidam Christi sponsæ revelatum est *Gertr. L. 3.* divinitus) sicut annulus signum est desponsationis: sic adversitas tam corporalis quam spiritualis, verissimum signum est ele-

Pp

Ego-

*etionis divine, & quasi despousatio animæ cum DEO: ut proinde afflitus quisq; verè ac fideliter possit dicere cum B. Agnate:*

*Annulo suo subarrhavit me Dominus meus JESUS Christus.*

*Quod etiam probè intelligens S. Mechtildis, cùm in viso quodam acceptum à B. Virgine annulum sponso suo Christo obtulisset, non alium ab ipso optavit annulum sponsalium, quām ut sibi in digito annulari sensum aliquem doloris imprimeret, quo identidem admonente, assiduè se viro dolorum despousatam esse meminisset. Quamobrem etiam*

*Addit. ad 6: dulcis Salvator, dilectam sibi S. Teresiam arcana quadam tam suam.*

*ratione despousans, dexteram, fidei suæ pignus, non auro & hyacinthis ornatam (quales sponsi manus descriptas habes in Canticis) sed clavo instructam atque ornatam ei præbere visus est: quò videlicet intelligeret, se per hæc fædra, non ad geniales delicias, sed ad Sponsi sui crucifixi do-*

*l. l. c. 7.*

*lores participandos vocari. Et ipsa quoq; D E i Mater, S. Birgittam aliquando instituens, quemadmodum ipsam,*

*quæ jam Christi Sponsa haberi vellet, parari ornariq; oportet,*

*inter cætera id admonuit, ut passionis ac dolorum*

*eius considerationem, instar monilis pretiosi jugiter fent in pectore.*

*cap: 20. Audiatur deniq; Henricus Harphius ex Ordine S. Francisci, mysticæ Theologiae Doctor, qui in classe secunda scholæ Sapientiæ, agens de veste nuptiali, quæ adhibenda sit ad eas nuptias, quibus Christus sibi sanctam Ecclesiam, ac proinde cujusq; nostrum animam, stabili fædere sibi conciliat, non aliam eam esse putat, nisi voluntariam malorum patientiam, ex ipsius Christi Salvatoris amore & imitatione. Ita enim ait: Spontanea quippe in pœnis patientia, cum iniuria adversus illos qui earum nobis autores extiterint benevolentia, vestis est nuptialis, quâ Christus in cruce sanctam sibi Ecclesiam connubiali fædere copulavit.*

*Ex quibus apparet, opinor, quem demum cultum atque*

que ornatum, quae monilia, quas gemmas affectare debeat  
Christi sponsa: et si id amplius intelligetur ex sequentibus.

¶. 2.

Anima & Christi sponsalia in cruce peragi oportere.

Vacunq; igitur fidelis anima ad Sponsi hujus amabilissi-  
mi divinos thalamos & beatos anhelat amplexus, non  
debet hic dulces amoris illecebras, aut cœlestes etiam atq;  
divinas delitias, sed solam crucem & crucis appendices co-  
gitare, & non nisi in cruce dilectum suum exquirere; sciens  
se non alio magis cultu Sponso sanguinum placiturā, quam  
si ipsdem cum illo vestibus, hoc est afflictionibus, doloribus,  
opprobrijs, plagijs & sanguine circumamicta, ejus se con-  
spectui offerat, atq; ad latus ejus assistens, ipsius crucis com-  
plexum atq; ascensum ambiat. Ut enim rectè noster San-  
ctius Canticum Canticorum exponens: *Si crux genialis le-* Cant: 3.  
*eius est, in quo Sponsus cubat, in ea cubet etiam oportet, que*  
*sponsa Crucifixi sponsi videri vult.* Quem proinde locum  
sibi delegerat B. Angela, quam audimus in hunc modum  
loquentem: *Laudo te D'El M meum: in tua cruce habeo le-* Vit. cap: 26.  
*lum meum factum. Et pro capitali vel plumario inveni pau-*  
*pertatem, & in alia parte lecti ad pausandum inveni dolorem*  
*tum defensione. In predicto enim lecto ipse fuit natus, conver-*  
*satus, & mortuus. Et in isto lecto ego requievi & quiesco, est*  
*enim lectus meus, &c.* Sic illa dilecta, amans, uti par est,  
eodem cum sposo suo toro gaudere, neq; ipso cultu orna-  
tive corporis, ei aliquatenus dissimilis apparere. Ut sanè  
non abs re etiam Sulmonensis Pocta quandam inducat he-  
roida, quæ viro ad Troja moenia (uti ipsa quidem existima-  
bat) diuturni belli laboribus exercito, & galea caput armisq;  
reliquis membra gravato, neget sibi fas esse, comarum or-  
natui corporisve cultui studere, aut nisi in squalore & luctu  
ea belli tempora transfigere.

P p z

Quod